

'Fluba nen Pɔl -a cren -te

Filipu

'non le

1 ¹An 'bɔ Pɔl 'lee Timote nen ku ci Zozi Crizi 'sunɔn 'a be, kue 'fluba 'gve -a cren -te. Kua cren -te minnun pɛɛnɔn nen o dre Zozi Crizi -le ve -a en o ya Filipu 'fla be -wle. Kua cren -te minnun nen 'o yie -tɔa -leglizi -va 'lee minnun nen o "paa o va be -wle.

²-Kaa "ti Bali 'lee Minsan Zozi Crizi 'o 'wee "yi 'lee 'wee -fudɪ -trɔɔ -nɔn 'cɛɛ.

Pɔl Bali tru 'ba Zozinɔn nen Filipu fla be -wle

³Tu -tudv pɛɛnɔn man -te 'ka 'cin -trɔa 'an 'ji be, an 'men Bali muo -fɔa. ⁴Tu pɛɛnɔn man, -te "mɛɛn vɪ 'nan 'an Bali tru 'ba 'cee 'wɪ man be, ci "nrandɪ -dan a 'an 'lɔ. ⁵An Bali muo -fɔa, kɔɔ yi tɛdɛ nen ka wɪ Zozi man -trilii, -e 'e bɔ cɛɛgv yi -a be, ka 'pa 'an 'va en -kaa Bali -le 'wɪ 'nɔnɔn fuila "man. ⁶An yi -tɛala "da 'nan, Bali 'bɔ nen e 'wɪ "yi zɪɛ -a pei 'trɔa 'ka 'va be, yaa dra -e 'e 'ku 'e 'le 'trilii, -e 'e 'le sɔɔ tu nen Zozi Crizi -taa "man 'be -a.

⁷-Te 'wɪ zɪɛ -a -cin a 'an 'ji 'cee "wɛan be -a -nɔan da nen, kɔɔ 'ka 'nan wɪ a 'an man 'kpa tɪglɪ. Tu nen te an ya -pɔ 'kuin oo, en tu nen te 'an -tɔ 'kpa tɪglɪ Crizi -le 'wɪ 'nɔnɔn -sru minnun tanɔn yie man oo, "yi 'nen Bali -a dre 'men be e dre -kaa pɛɛnɔn 'le ve -a. ⁸-Te maan 'vɪ 'nan an 'ka ye "yi "le zɪ Zozi Crizi 'ka ye "yi "be -yee 'wɪ 'zɪ be, Bali -a -tɔa 'nan 'wɪ 'kpa nen.

⁹En 'wɪ nen maan laabo Bali lɔ te an ya Bali tru 'banan be -nyren 'nan, yɪdɪ "yi 'e 'pa "da 'ka 'va, en 'wɪ 'tɔdɪ 'lee 'wɪ 'fa 'si bli 'e 'kɔn 'ka yei, ¹⁰-e 'ka -kɔla 'wɪ nen e ci tɪglɪ be -a -si siadɪ -a. -Te e dre zɪɛ, Zozi 'ta nyan be, te ka ya 'saun, en 'tɔ 'tu 'ka 'kɔan 'e 'padɪ 'ka man dɪ. ¹¹En "nyian be te 'cee 'wɪ nen kaa dre 'trɛda be, e ya 'e fadɪ Zozi Crizi -le 'wɪ "yi 'saza 'a. 'E dre zɪ, -e minnun 'o Bali 'tɔ 'sia -dan, te waa bɔa.

Pòl 'e yra 'yí Bali -le 'wí 'nònnònn vídí man

¹²An "bú Zozinòn, an ya "vale 'ka -tò 'nan, 'wí nèn e 'bò 'an man bè, -yèè -maan èn Crizi -le 'wí 'nònnònn fuila "man. ¹³Kòò 'sounjanun pèènnònn nèn 'o yíè -tòà mingònnèn -le 'kòn 'va bè, 'lee 'flanòn pèènnònn waa -tò 'nan Crizi -le 'wí 'nònnònn vídí man nèn an ya -pú 'kuin. ¹⁴Zí -kaa "bú Zozinòn "kaga 'an 'yí -pú 'kuin bè, èn -wee yí -teradí Minsan da 'pa "da, -a -nan nèn wa'a "klanlè "nyian dí, èn o Bali -le 'wí 'vì minnun le.

¹⁵Maan -tòà 'nan min -mienun a o va bè, "o Crizi -le 'wí 'nònnònn ve man budí -a 'an 'va zia, èn waa ve -sa -fòdí pè -jí. 'Pian min -mienun "o Crizi -le 'wí 'nònnònn ve 'o 'ci 'fídaa 'a. ¹⁶Minnun zìè 'o dra 'an yídí "yí "le "wean. Kòò waa -tòà 'nan Bali 'an 'plá 'nan -e 'an 'tò Crizi -le 'wí 'nònnònn -sru minnun tanòn yíè man. ¹⁷Èn minnun nèn "o Crizi -le 'wí 'nònnònn ve -sa -fòdí pè -jí 'an 'va zia bè, wa'a ve 'o 'ci 'fídaa 'a dí. E ya o jí 'nan "wèè dre zìè, te 'mèn yra yídí "paa "da -pú 'kuin. ¹⁸Bè 'ka "mèn 'jí fè -tú -a dí. -Te -wee ci "nròndí a -wídí oò, èn -te 'bè "cèè dí 'o 'ci "nrònnman "yí oò, -a pèènnònn zìè -a -jí bè, Crizi -le 'wí 'nònnònn 'bè ve. 'Wí zìè yaan 'ci "nranman.

Èn yaan ci "nranman 'li 'trilii, ¹⁹kòò maan -tòà 'nan, 'cèè Bali trú 'badí 'lee Zozi Crizi lei 'saun nèn yaan 'ta -nanjean "bè, -yèè "wean an "sia 'wí 'jí. ²⁰'Wí zìè 'an 'bli a "da, èn an yí -teala "da 'kpa tíglí. Maan -tòà 'nan, Bali 'ka 'wè "man -e 'yaan 'tú dí. An -taa Crizi 'tò drele -dan 'an 'kòlè 'a minnun pèènnònn yíè man. -Te an -ka oò, èn -te 'an yíè 'fú "man oò, an -taa -a 'tò drele -dan 'kpa tíglí "le zì maan dra tú pèènnònn man bè -yèè 'wí 'zú.

²¹Maan ve zìè, kòò 'mèn ve bè, -te 'an yíè a "man "bè, te an ya Crizi -le ve -a. Èn -te an -ka bè, te e ciula "mèn "da. ²²Èn -pè -tú da zia bè, -te an yíè a "man "bè, te an Crizi -le 'nyranman "paa tian. -Nyren kò an 'si "va "bè, ma'an tòà dí. ²³Kòò 'an 'fli ye "yí -pè "fli 'bò dave -a. An ya "vale an "sia 'trè 'gùè -a da -e 'kú 'vale Crizi -a 'kú 'kòn. 'Bè 'bò 'bè cí "yí "fo. ²⁴'Pian 'cèè "wean -a "yí mlin -e 'an yíè 'e 'fú "man. ²⁵An yí -teala 'wí zìè -a da. -Yèè "wean maan -tòà 'nan, an -fo tian 'ka "sròn, -e 'an 'pa 'ka pèènnònn 'va, -e 'cèè yí -teradí Zozi da 'e 'kú 'e 'lè, te 'ka 'ci a 'e "nrandí. ²⁶Èn "nyian bè -te an 'li 'an da 'ka 'va bè, -e 'mèn 'lúdí 'ka 'va 'e 'ka 'ci "nran 'e 'ciula "da, -e 'ka Zozi Crizi 'tò bò.

Ka yra ye Crizi -le "wean

²⁷'Pian -te 'wí oò 'wí nèn e 'bò 'an man bè, 'cèè 'ta wú -pè 'e -kònn 'nan Crizi -le 'wí 'nònnònn -sru "nèn 'ka cí! Èn -te ma'an 'ka yíè "nyian dí oò, 'pian 'an 'ka 'ta wí man 'nan, ka -fú Zozi -sru 'ta wònnònn tíglí 'a. 'Ka 'ci 'e 'kòn -túwli! Èn 'ka 'wulo -jí "nròn 'wí -túwli "da, -e 'ka Zozi Crizi -le 'wí 'nònnònn fuila "man min pèènnònn 'va. ²⁸Te nyen 'e 'kòn 'ka 'jí 'ka 'nanmannònn 'le 'wí nèn waa dra 'cèè bè -yèè "wean dí. 'Wí zìè -a drèdí 'bè -kònnman 'nan 'o 'fli 'si Bali man -kòòbli. Bali -taa "o -nan -nyanlè. 'Pian 'cèè ve bè, yaa -kònnman 'nan, ka ya -si nèn e min

"sia 'wɪ 'ji bɛ -a da. ɛn 'wɪ zɪɛ e "sia Bali va. ²⁹Kɔɔ Bali 'ka 'yi "drɛɛ 'cɛɛ 'nan -e 'ka yi -tɛra Crizi da 'saza dɪ, 'pian 'nan -e 'ka yɾa yɪ Crizi -le "wɛan. ³⁰Bɛ nɛn 'gʊɛ, 'an yɾa -tɔwli 'nɛn maan 'yɪ bɛ, -a 'leɪn 'bɔ 'ji nɛn ka cɪ. Kaan 'yɪ tɛ an ya 'an yɾa yunan Crizi -le "wɛan, ɛn kaa maan 'nan an ya yɾa yɪdɪ zɪɛ -a -ji "nyian.

2 ¹Maan -tɔa 'nan ka ya 'ka lɛadt Crizi man, ɛn 'wɪ zɪɛ e 'ka "koe -tɔa 'ka da. ɛn 'ka cin siiman yɪdɪ 'yi "a. ɛn 'ka 'vale Bali lei 'saun 'a, 'ka yei "a 'e 'sendɪ 'e cin va. ɛn 'ka cin nyirinda "sia. ²Ka 'wɪ pɛɛnɔn zɪɛ -a dra, 'pian 'kaan 'ci 'nran 'e 'ciɪla "da. 'Ka 'ci -pɔan 'e 'kɔn -tɔwli, ɛn 'ka 'wɪ 'tɔwli "yɪ "yi, ɛn 'ka 'ci wɪ 'e 'kɔn -tɔwli, ɛn 'ka 'wulo -ji "nrɔn 'wɪ -tɔwli "da. ³Maan ve 'cɛɛ 'nan, tɛ 'ka 'wɪ 'tɔ dre tɛ e ya bɔɛ "blɪdɪ pɛ -ji dɪ. ɛn "nyian tɛ e ya 'ka 'bɔ 'fli -kɔɔndɪ "tun "a dɪ. 'Pian 'ka 'fli drɛ "wɛnnɔn, -e 'ka min pɛɛnun 'sia 'e 'mlin 'ka da. ⁴Tɛ 'ka 'va min -tɔ 'e 'e 'bɔ 'fli -le 'wɪ "yi -wɛɛ "dɪ, 'pian min pɛɛnun -le 'wɪ "yi "nɛn 'e -wɛɛ.

⁵-Pɔan "tɔwli "nɛn Zozi Crizi -a 'pa 'e 'ji bɛ, -a 'bɔ nɛn 'e 'kɔn 'ka 'ji.

⁶Crizi nɛn e ya paan "le Bali -le 'wɪ 'zʊ 'wɪ pɛɛnɔn dɾɛdɪ -ji bɛ, ya'a -wɛɛɛ 'nan 'e 'fo Bali -a -trilii dɪ,

⁷'pian 'e 'bli 'si 'wɪ zɪɛ -a da,

ɛn e drɛ "le nɔan -le 'wɪ 'zʊ.

'E 'fli drɛ "le blamin -le 'wɪ 'zʊ,

ɛn e min drɛ wɪ drɛ.

⁸E wɪ "man, ɛn 'e 'fli drɛ "wɛnnɔn.

'Wɪ nɛn Bali -a 'vɪ -yɾɛ "bɛ,

e 'ta 'wɔla "da -trilii,

ɛn e drɛ -a -kadɪ -a.

-Ka zɪɛ, yaa 'wɔ yiba "plan da

"le plɔanzan -le 'wɪ 'zʊ.

⁹'Wɪ pɛɛnɔn nɛn yaa drɛ zɪɛ,

-yɛɛ "wɛan nɛn Bali -a -tɔ fɛ pɛɛnɔn da.

ɛn 'tɔ nɛn e cɪ fɛ pɛɛnɔn 'tɔ 'ta lou "bɛ,

yaa -nɔn -yɾɛ.

¹⁰Bali 'tɔ zɪɛ -a 'pa "man,

'nan -e laji lou "fɛnun pɛɛnɔn

'lee 'trɛda fɛnun pɛɛnɔn

'lee 'trɛ 'wlu fɛnun pɛɛnɔn

'o "pɔ -sɔɔnla Zozi 'wlu.

¹¹ɛn "nyian bɛ,

-e o pɛɛnɔn 'o vɪ 'nan,

Zozi Crizi a Minsan -a.

'Wɪ zɪɛ e ya -kaa "tɪ Bali 'tɔ dɾɛdɪ -dan a.

'Ka 'kɔn 'ka 'bidɪ 'trɛda "le 'tɛ 'le 'wɪ 'zʊ

¹²-Yɛɛ "wɛan 'an bɛɛnun, 'ka 'ta wɔla Bali wei da, "le zɪ ka dɾɛdɪ 'sia 'va bɛ -yɛɛ 'wɪ 'zʊ. 'Wɪ nɛn kaa -si 'sia bɛ 'ka yɪɛ -trɔa "da "klandɪ -a Bali lɔ, -e

'e -kɔɔn 'nan ka ya 'ka 'sidi 'wɪ 'ji. Wa'a vɪle 'nan 'ka dre 'an yie man 'saza dɪ, 'pian -a 'yi mlin 'bɛ nen an 'ka 'nan dɪɛ, -e 'ka dre 'e 'ciula 'da. ¹³-A -cin 'e 'kɔn 'ka 'ji 'nan, Bali 'bɔ 'bɛ cɪ 'wɪ zɪɛ -a dɾɛnan, ɛn -yɛɛ 'ta -tɔa 'ka man 'nan 'ka dre 'le zɪ e cɪ 'va 'bɛ -yɛɛ 'wɪ 'zɪ.

¹⁴'Cee 'wɪ pɛɛnɔn dɾɛdɪ -ji bɛ, te 'ka wunwun 'vɪ dɪ, ɛn te 'ka 'sa -fɔ dɪ! ¹⁵'Ka dre zɪ, -e 'tɔ 'e vɪle 'e 'pa 'ka man dɪ, -e 'ka 'kɔn 'saun Bali 'le. ɛn 'nyian bɛ, minnun nen 'wɪ 'wɪdɪ 'dɾɛdɪ 'ka 'naan o man dɪɛ, -e 'ka 'kɔn o yei Bali -le 'nennun nen 'wɪ 'wɪdɪ 'tuwɪli 'ka o man dɪɛ waa. 'Ka 'bi o yei 'le zɪ mɛn cɾɛn "bia laji bɛ -yɛɛ 'wɪ 'zɪ. ¹⁶'Ka 'tɔ Bali wei nen e 'belidi nen ya'a 'nyaan dɪɛ -a -nɔan "min lɛ bɛ -a da 'plɛblɛ. 'Ka dre zɪɛ, -e tɔ nen Crizi -taa "man "bɛ, 'an 'ci 'e 'kɔn 'e 'nɾandɪ 'ka 'va. 'Wɪ zɪɛ -yɛɛ -kɔɔnman 'nan, 'nyranman pɛɛnɔn nen maan 'pa 'ka 'va 'lee 'an "koe pɛɛnɔn nen maan -nyan 'ka 'va bɛ, -a "nen 'ka 'fulɛ 'e "tun "dɪ.

¹⁷'Cee yi -tɾadɪ Bali da bɛ, e ya 'cee Bali -pandɪ -a. -Te waan 'tɛ bɛ, e ya 'le 'nan 'sraga bɔvɛ nen waa 'pa 'cee Bali -pandɪ da. -Te 'wɪ zɪɛ e dre bɛ, 'an ci "nranman, ɛn -kaa pɛɛnɔn 'ci "nranman 'e cin va. ¹⁸ɛn "nyian 'cee 'va zia bɛ, 'ka 'ci 'e "nran, -e -kaa ci 'e "nran 'e cin va.

Pɔl a "vale 'e Timote "paa -sia

¹⁹'An yi -tɛala Minsan Zozi da 'nan, yaa -si -nɔan -e 'an Timote 'pa "sia 'ka 'va "nyiandɪ. Maan dra zɪɛ -e 'an 'ka 'ta wɪ man, te 'an "koe "a 'e 'tɔdɪ 'an da. ²⁰Timote nen maan "paa -sia 'ka 'va, kɔɔ min pee 'ka 'gɔvɛ 'te 'ka 'nan wɪ a "man tɪglɪ "le zɪ 'ka 'nan wɪ cɪ 'an man bɛ -yɛɛ 'wɪ 'zɪ dɪ. ²¹-Yɛɛ cɪ 'nan minnun pɛɛnɔn a 'o 'bɔ 'fli -le 'wɪ 'yi -wɛɛnan, 'pian o 'ka 'wɪ nen Zozi Crizi cɪ 'va "bɛ -a -wɛɛnan dɪ. ²²Kaa -tɔa 'ka 'bɔ 'a 'nan, Timote a min nen min yi -tɛala "da "bɛ -a. E 'wɪ dra "le 'nan 'nen nen 'e "tɪ wei maan "bɛ -yɛɛ 'wɪ 'zɪ. 'E 'fli -nɔn Zozi Crizi -le 'wɪ 'nɔnɔnɔn vɪdɪ -ji "le 'mɛn 'wɪ 'zɪ.

²³Timote zɪɛ, -a -cin a 'an 'ji 'nan 'an "paa -sia 'ka 'va "nyiandɪ. Maan "paa -sia tɔ nen 'wɪ nen e "ta -daa "bɔlɛ 'an man bɛ, maan -ci ye bɛ -a man. ²⁴ɛn 'wɪ 'bɔ zɪɛ -a -ji bɛ, an yi -tɛala Minsan da 'nan o "sia 'an man -e 'an 'bɔ 'an 'lɔ "nyian 'ka 'va nun.

Epaprodi -le 'wɪ

²⁵'Pian 'bɛ nen 'gɔvɛ, e ya 'yi -e 'an Epaprodi nen -kaa "bɔvɛ Zozizan 'a bɛ, -a li 'e da 'ka 'va. 'Kɔvɛ -a kɔvɛ 'nyranman 'pa 'e cin va, ɛn 'kɔvɛ -a kɔvɛ yɾa 'yɪ 'e cin va. -A 'bɔ nen kaa 'pa 'sia 'an 'va, ɛn fɛnɛn pɛɛnɔn nen kɔ 'e -nɔn 'mɛn bɛ kaa 'pa -yɾɔ. ²⁶'Ka dra Epaprodi 'bɔ -tɛa 'kpa tɪglɪ. ɛn "nyian bɛ -a 'wɪ "naan "man 'nan ka 'yɛɛ man "yaadɪ 'wɪ 'man. ²⁷'Wɪ 'kpa nen! -A man yaa 'kpa tɪglɪ, -a -kadɪ -fɔla tɔ, 'pian Bali -a nyrinda 'si. Wa'a vɪle 'nan -a 'saza nen Bali -a nyrinda 'si dɪ. 'An nyrinda -sɛn "nyian Bali da, 'dɔ -e 'an 'man 'e vɪle 'e 'fɔ 'yɔo dɪ -le "wɛan. ²⁸Maan "paa -sia 'ka 'va "nyiandɪ, 'nan -e te kaa 'yɪ bɛ -e 'ka 'ci 'e "nran. 'Wɪ zɪɛ e "mɛn 'ci

"nranman 'nyian. ²⁹-Te e 'bɔla 'ka 'va nun bɛ, 'ka 'sia ci "nrandt -dan a, 'le zi Zozinɔn -a dra bɛ -yee 'wɪ 'zʊ. Minnun nɛn o 'wɪ dra "le -yee 'wɪ 'zʊ bɛ, 'ka o bɔ 'e 'ciɫa "da. ³⁰Kɔɔ Zozɪ Crɪzi -le 'nyranman 'padt -le "wɛan -a -kadt -fɔla tu. 'Pian 'e 'bli 'si 'yee 'belɪdɪ lɛ, ɛn e 'pa 'an 'va, 'ka 'ka 'nan -kogo dɪ -le "wɛan.

Zozɪ Crɪzi -tɔwli 'bɛ min "sia 'wɪ 'ji

3 ¹'Bɛ nɛn 'gʊɛ 'an "bʊt Zozinɔn, 'ka 'ci 'e "nran 'nan ka dre Minsan -le ve -a. 'Wɪ -tɔwli "nɛn maan 'vɪ 'cɛɛ 'va bɛ, -te maan ve tian 'cɛɛ bɛ, -a vidɪ 'ka 'an "koe 'nyaan "fo "dɪ. ɛn "nyian bɛ e ya 'cee 'wɪ 'yi "a.

²'Ka dre "yi min -wɪdɪnɔn va! O Bali -le 'wɪ "paaman min -ji -wɪdɪ. Wɛɛ 'ta -tɔa 'ka man 'nan 'ka 'fɔ -klɔnmɔn -va 'vaa -e 'ka 'kɔn 'saun Bali 'lɛ. ³'Pian minnun nɛn 'o 'fɔdɪ -klɔnmɔn -va tɪglɪ bɛ, -kaa 'bɔ nɛn. -Cɛɛ cɪ Bali -le minnun tɪglɪ 'a, kɔɔ Bali 'yee lei 'saun 'nɔn -cɛɛ. -Yee lei 'saun 'bɔ 'bɛ -maan ɛn -kaa "sua. ɛn "nyian bɛ -ka'a yi -teala -kaa 'bɔ 'fli -le 'pleble da dɪ, 'pian Zozɪ Crɪzi -le 'pleble da nɛn -kaa yi -teala.

⁴'Mɛn vɛ bɛ, an -kɔlaman paan -e 'an yi -tera 'an 'bɔ 'fli -le 'pleble da. -Te min -a ve paan 'nan 'e 'wɪ dra 'e 'bɔ le 'pleble 'a bɛ, mɛɛn cɪ -a tɛdɛ -a. ⁵Kɔɔ waan 'fɔ -klɔnmɔn -va 'an 'ya yi 'sɔrazan da. ɛn 'an "tɪ 'lee 'an "bʊ "a Izraɛl 'nɔn 'a. O "sia Benzamɛn -le kunnin -wulo da. Maan ve 'nan Ebre min 'bɛ 'an 'ya, ɛn an ya Ebre 'wɛlɛ tɪglɪ 'a. -Te e ya 'ta wɔdɪ Zuɪf 'nɔn 'le -pei da -a bɛ, maan dre 'sɛzɛ "le Farɪzɛn 'nɔn 'a dra bɛ -yee 'wɪ 'zʊ. ⁶An 'ta 'wɔla -pei -tɔ wɪnɔn da "bʊɔ "le "wɛan, an 'te 'pa -leglɪzi 'nɔn da. -Te e ya min nɛn e cɪ tɪglɪ 'ta wɔdɪ -a -pei -tɔ wɪnɔn da bɛ, min -tu 'ka 'mlinle 'an da 'bɛ 'nan "fo "dɪ.

⁷'Wɪnɔn nɛn "nɛn maan ye 'an 'yɪɛ -goei 'wɪ -dan tu -a bɛ, 'bɛ nɛn 'sɪɛn 'gʊɛ Crɪzi -le "wɛan ma'an ye 'nyian fɛ -tu -a dɪ. ⁸'Wɪ 'kpa nɛn! Maan ye 'sɪɛn 'wɪ "tun "a, kɔɔ dɛdɪ Minsan Zozɪ Crɪzi -le vɛ -a bɛ -a "yi "mlɪan 'wɪ pɛɛnɔn da. Crɪzi -le "wɛan 'an 'bli 'si fɛnɔn pɛɛnɔn da, ɛn an o ye 'an 'yɪɛ -goei "le bli da -pʊ -le 'wɪ 'zʊ. An ya "vale 'nan Crɪzi 'e dre 'mɛn vɛ -a, ⁹ɛn an dre Crɪzi -le vɛ -a. Ma'an wɛɛman "nyian 'nan 'an 'ta wɔla -pei -tɔ wɪnɔn da, 'vaa -e 'an dre min tɪglɪ 'a Bali 'lɛ dɪ. 'Pian maan -wɛɛman 'nan, 'an yi -teala Crɪzi da -e 'an dre min tɪglɪ 'a Bali 'lɛ. Kɔɔ Bali min 'sɪala min tɪglɪ 'a min -le yi -teradt Bali da man. ¹⁰'An 'ji wɪ pɛɛnɔn nɛn 'nan 'an Crɪzi -tɔ 'kpa tɪglɪ, ɛn 'pleble nɛn Bali -a wɪuan 'a 'kanɔn 'va bɛ, 'e dre 'mɛn vɛ -a. ɛn "nyian bɛ, yra nɛn Zozɪ 'a 'yɪ bɛ "an "yɪ. ɛn -yee -ka nɛn yaa 'wʊ bɛ, an 'sia "le 'nan 'an 'bɔ 'bɛ 'ka. ¹¹'Wɪ zɪɛ -a -cɪn nɛn 'an 'ji, -e 'an -kɔla wɪuandɪ -a -kanɔn 'va "le -yee 'wɪ 'zʊ.

¹²Ma'an vɪɛ 'nan an 'bɔ 'wɪ 'bɔ 'wulo planan 'va dɪ. ɛn -te 'bɛ "cɛɛ dɪ 'nan an dre min nɛn -yee 'wɪ a 'e 'lɛ sɔɔdɪ Bali 'lɛ 'va bɛ -a dɪ. 'Pian maan -wɛɛman 'nan 'an 'ko tian 'an 'lɛ -e fɛ nɛn Bali -a 'pla 'an -kopa 'a bɛ 'an yɪ. Zozɪ Crɪzi 'an dre 'yee vɛ -a 'va 'le "wɛan.

¹³'An "bui Zozinon, ma'an nrōnman 'an 'ji 'nan fe nen Bali -a 'pla 'an -kopa 'a be, maan 'yi 'va di. 'Pian 'men ci "nrōndi a -tūwli, -nyren 'nan, 'wi nen 'be ci 'an -sru "be, 'an 'ci 'e 'san 'be man, en 'wi nen 'be ci 'an 'le zia be, maan -wεeman 'nan 'an bō 'be 'nan. ¹⁴-Yee "wean maan dra 'nan -e 'an bō 'wi 'bō 'wulo planan, -e fe nen Bali -a 'pla 'an -kopa 'a be, 'an yi. Bali -ta Zozi 'a, en e -kaa laabu 'nan -e -kaa -kopa zie -a yi laji.

¹⁵-Kaa pεenon nen -kaa ci Bali -le 'wi 'ji ceje be, -cee 'wulo -ji "nrōndi 'e 'kōn -tūwli 'wi zie -a da. -Te min -mienun a 'ka yei 'nan 'ka wei 'ka waa -tūwli 'wi zie -a da diε, Bali -taa -a fa 'sile 'cεε. ¹⁶'Pian e ya "le 'nan 'wi pεenon nen cεε 'ci 'man 'va be 'ka 'ta wula 'be da.

'Ka dre Pōl si drenon 'a!

¹⁷'An "bui Zozinon, 'ka dre 'an si drenon 'a! Minnun nen -wee 'ta wu -pe a "le zi kaa -nan 'yi 'ku 'lō be -yee 'wi 'zū be, o nen 'o dre 'cee 'wi -kōn "mannon 'a. ¹⁸Maan 'vū tian 'cεε 'e 'pa -a "kaga, en maan ve "nyian 'cεε 'an yra -le yie 'yi 'a 'nan: Minnun "kaga "a, te -wee 'ta wu -pe -a -kōnman 'nan o ya Crizi -le yiba "plan 'nanmannon 'a. ¹⁹Minnun zie, o klu -taa 'solε 'treda, wa'a 'ko Bali va di. 'O 'bō ci 'sō wunun be, -yεε ci "le -wee Bali -le 'wi 'zū. En 'wi nen kō 'e o -te paan 'yra -a be, e ya 'pian -wee ci "nran wū -a. 'Treda wunun 'gūε -a da nen 'o 'ci "nrōnman. ²⁰'Pian -cee vε be, -cee 'fla a laji lou. -Kaa ya Minsan Zozi Crizi man -pennan 'nan 'e 'si 'nan nun -e 'e 'ta -kaa 'si 'wi 'ji. ²¹E -taa -cee 'treda 'kōle nen e ci 'e yra yūnan 'gūε -a man lileε -e 'e dre "le 'nan 'e 'kōle nen e "bia be -yee 'wi 'zū. -Yee 'pleble nen yaa -maan 'lō fe pεenon a 'e pladi "wlu "be -a 'bō 'a nen yaa dra.

4 ¹-Yee "wean 'an "bui Zozinon, 'ka 'nan wū a 'an man "le 'an 'ka yi, en 'cee "wean 'an 'ci "nranman e -ciala "da. En "nyian be cεε 'an 'blō -tōa "da. 'Wū nen kō 'ka dre 'lō -e 'ka 'fū Minsan -sru 'ta wunon -a be, -nyren 'gū:

²Evodi 'lee Sentik, an toba -fōa 'cεε 'nan 'ka 'wulo -ji wū 'e 'kōn -tūwli, kōō ka ya Minsan -le vε -a. ³En 'i 'bō "nyian, i ya 'an 'pa "vazan tūglī 'a. Maan laabo 'i 'lō 'nan, 'i 'pa lūmōnnun zie o va. Kōō kūε 'nyranman 'pa waa Bali -le 'wi 'nōnōn vūdi -a. En o 'nyranman 'pa "nyian o 'vale Kleman 'lee 'kūε 'nyranman 'panon -mienun -a. Bali o pεenon 'tō cren -te 'yee 'fluba 'ji. 'Yee 'fluba zie minnun nen 'belidi nen ya'a 'nyaan diε e ya -wū "be -a -ji nen o 'tō ci.

⁴'Ka 'ci 'e 'kōn tū pεenon man 'e "nrandi 'nan 'ka dre Minsan -le vε -a! Maan ve "nyian 'cεε 'nan, 'ka 'ci 'e "nran! ⁵'Ka dre wū 'e 'kōn -trōō min pεenon 'va. Minsan -tadi 'bō 'kogo.

⁶Te 'ka 'ci "nrōn 'wū 'tū da -e 'ka 'wulo -ji 'e 'kū 'koun di. 'Pian 'wū pεenon 'ji be, fe nen e klu 'ka man be 'ka laabu Bali lō, te ka ya Bali tru 'banan. 'Ka laabu -yūō, te kaa muo -fōa. ⁷'Ka dre zie -e Bali -le -fūdi -trōō nen wa'a kōōnman min -le 'wū 'tōdi man diε, 'e yie 'tō 'ka 'va, te 'ka 'ci yra "tra, te 'ka 'wulo -ji wū a -trōō, ka ya Zozi Crizi -le vε -a -le "wean.

⁸An "bù Zozinòn, maan -fàala "nyian "va 'cee 'nan, 'ka 'ci "nròn 'wì nen e ci 'e 'sùdù 'ji "bè -a da. En 'wì nen yaa -maan min yìe "naan min man bè, 'ka 'ci "nròn "da. En 'wì nen e ci tìglì bè, 'ka 'ci "nròn "da. En 'wì nen e ci 'saun Bali 'lè bè, 'ka 'ci "nròn "da. En 'wìnen nen min a ye "yì en min "we man "yì "bè, 'ka 'ci "nròn "da. En -te 'wì 'tù a, waa -nan ye min ló, te e "sò min lè en e min 'bò 'tò dra -dan bè, 'ka 'ci "nròn "da. ⁹'Wì nen maan paa 'ka 'ji 'lee 'wì nen kaa tranla bè, 'ka 'ta wula "da. En 'wì nen kaa man 'an da 'lee 'wì nen kaa -nan 'yì 'an 'lò bè, 'ka 'ta wula "da. -Te kaa drè zìe, Bali nen e -fùdù -tròò -nòan "min lè bè, 'e -kòan 'ka 'va.

Pòl Filipò 'nòn muo "fò

¹⁰'Pa nen ka -ta "nyian -a wulè 'an 'va bè, yaan 'ci nran e -ciala "da. En 'wì nen kaa drè zìe -yee "wean an Minsan muo -fà -dan. Maan -tòà 'nan, kaa man -weeman tù pèenòn man, 'nan 'ka -taa 'palè 'an 'va, 'pian -si nen kò 'ka 'sia bè ka'a -kòlale -a yidù -a dù. ¹¹Wa'a vilè 'nan fè -tù 'wì a 'an man, -yee "wean nen 'wì zìe an ci -a vùnan dù. 'Pian zì kò 'an drè 'lòò -e te an 'ka 'an 'ladù min ló fè da dùe maan -tòà. ¹²Fè nen maan ve zìe, -yèe ci 'nan -te e ya 'yale -tèdù -a oo, an 'bè 'ji ta wo sidò. En -te e ya fè yidù -a oo, an 'bè 'ji ta wo sidò. 'Wì pèenòn nen e bòa "min man bè, ma'an koda tòà -a -tù -lò "fò "dù. -Te e ya -blufè "kaga yidù -a oo, en -te e ya dra -tèdù -a oo, en -te e ya fè "kaga "yidù -a oo, en -te e ya fè 'ka min ló dù -a oo, ¹³'wì pèenòn zìe, maan "kuan 'an 'pè "fli "a Zozi Crizi nen 'an 'tò -kli -a bè -yee "wean.

¹⁴'Pian 'cee 'pa nen kaa 'wù 'an 'va 'mèn yra yidù -ji bè, kaa drè "yì. ¹⁵Filipò flanòn, kaa -tòà 'ka 'bòa 'nan, tù nen an Bali -le 'wì 'nònnòn vidù pou 'sia, en an 'si 'cee 'lèglòn 'ji Masedòà bè, -lèglizi -tùwli "nen e 'pa 'an 'va bè, 'ka 'bò nen. En -cèe tò -kaa cin wlu 'wìnen drenan. ¹⁶Kòò tù nen an ya Tesalonik fla bè, cèe 'pa 'an 'va 'e 'pa -a "fli yaa fè nen -a 'wì ci 'an man bè -a. ¹⁷Wa'a vilè 'nan an ya -a -weenan 'nan minnun 'o "yì "drè 'mèn dù. 'Pian 'wì nen maan -weeman "bù "bè, -nyren 'nan, 'cee "yì "nen kaa drè 'mèn bè, 'ka "nen "blì 'e 'ciila "da.

¹⁸'Bè nen 'gùe, fè nen kaa -nòn Epaprodì lè 'nan 'e 'ta -a 'mèn bè, maan 'yì 'e pèenòn. E 'bò maan 'e 'ciila "da. 'Cee "yì "nen kaa drè 'mèn bè, e ya "lè 'nan Bali -panvè nen kaa -nòn, en -a -koei 'nònnòn 'ko laji -e 'e Bali ci 'sò bè -yee 'wì 'zù.

¹⁹Fè pèenòn nen e klì 'ka man bè, Bali nen maan "sua bè e -taa -a -nònle 'cèe. -A yìfè nen -a -kònn "manvè "ka "dùe, Bali -ciala Zozi Crizi -va -e 'e 'nòn 'cèe.

²⁰-Kaa "tù Bali 'tò 'e drè -dan 'li 'trilii. Amen!

Pòl 'wì 'lè 'sran o 'tò budù -a

²¹Minnun pèenòn nen Zozi Crizi -le "wean o ya Bali -le vè -a bè, an 'o 'tò bo. -Kaa "bù Zozinòn nen kù ci waa 'gùe o 'ka 'tò bo. ²²Minnun pèenòn

nɛn o drɛ Bali -le vɛ -a bɛ, o 'ka 'tɔ bo. Mingɔnnɛnnun tazan nɛn Rɔm bɛ,
-yɛɛ "kɔnnɛn 'nɔn nɛn Bali -le vɛ -a bɛ, o 'ka 'tɔ bo 'tandan.

²³Minsan Zozi Crizi -le "yi 'e 'kɔn 'ka pɛɛnɔn 'va.